

ADYAYA I

PURWAKA

1.1 Dadalan Pikobet

Pendidikan inggih punika nganutin polah-palih peplajahan sane kawentenannyane mangda ngamolihang kewagedan lan *keterampilan*. Ring saluir mangkin *pendidikan* sampun keni ius panglimbak sekadi aab jagat mangkin. Iusan sane ngranayang *pengaruh* sane kekenenin sekadi *pengaruh* ring *pendidikan*, *budaya* dura negara, lan *teknologi* sekadi mangkin sampun kabaos *canggih*. Taler ring pendidikan sane wenten ring sekolah punika nenten lempas nganutin pikobet-pikobet sane kapolihang ritatkala pacang ngamargiang peplajahan. Ring kawentenan pendidikan pastika wenten polah-palih ring kelas sane mapaiketan sareng pangresep sisia ngenenin indik *materi*, *metode* utawi piranti-piranti kawigunayang olih guru. Punika sane ngemolihang pikobet-pikobet ring sisia sekadi sisia durung kresep teken peplajahan lan sisia sane akeh durung uning ri kala nganggen *media* pamlajahan, punika sane ngranayang sisia durung ngresep *materi* pamlajahan taler sisia pastika nenten *aktif* nyarengin pamlajahan ring kelas. Para sisia pastikan mayus yening makarya *tugas* sane kaicen olih guru lan pikolih pamlajahan para sisia nenten *tuntas*. Sane nyinahang kawentenan pikobet-pikobet santukan guru durung samian uning tata cara ri kala nyobiahang *materi* sane *inovatif* makrana guru kari nganggen *metode konvensional*, dadosnyane guru wantah uning sekadi punika manten. Sane sampun kawedar *metode* puniki sampun nenten becik kamargiang sekadi mangkin. Manut *Kemendikbudristek (Kementrian Pendidikan, Kebudayaan, Riset dan Tekonologi)* ring sekolah sekadi mangkin sampun nganggen

Kurikulum Merdeka Belajar (Medeka Belajar). Bebaosan sane sampun kawedar saking Bapak Nadiem Makarim *kurikulum* sane kawentuk puniki mangda prasida ngewantu ngemecikan pamlajahan ring warsa duang tali dua likur (2022) ngantos warsa duang tali pat likur (2024) punika sane nyinahang kawentenan *penyakit* gering agung *covid-19*.

Kemendikbudristek negesang *kurikulum merdeka belajar* sampun wenten ring warsa 2021 punika ring kawentenan *covid-19*, *kurikulum* puniki wau kamargiang ring warsa 2022 santukan *teori* sane sampun kapolihang mangda sayan becik taler kalaksanayang. *Kurikulum merdeka belajar* madue 3 tipe pemargin pamlajahan minakadi; 1) Pamlajahan *intrakulikuler*, (2) Pamlajahan *kokulikuler* punika pamlajahan sane manut ring *projek penguatan pancasila (P5)* utawi *pendidikan karakter pancasila*, (3) Pamlajahan *ekstrakulikuler*, puniki pamlajahan sane kasenengin para sisia, *minat* taler bakatnyane sane guru prasida ngewantu sisia malajah. Peplajahan sane wenten ring kelas kabaos pamlajahan *intrakulikuler* sane kalaksanayang guru saking sisia *secara terdeferensiasi* manut galah sane sampun kaaptiang. Manut tetujon *kurikulum merdeka belajar* mangda nenten kaiket sareng genah lan galah sane prasida kalaksanayang. Pamlajahan sane kalaksanayang puniki mangda guru prasida kaaptiang ngawigunayang makarya piranti sane marupa *media* pamlajahan sane *kreatif, inovatif* lan *bervariasi* nganutin *kurikulum merdeka belajar*.

Sajeroning ngalaksanayang *merdeka belajar* makeh sekolah durung sayaga indik paobahan punika. Yening kasehlin paobahannyane nenten dahat meweh yening kamargiang. Pamargin *kurikulum 2013* punika sampun pamlajahan sane ngutamayang sapunapi sisia punika ngamargiang peplajahan ring kelas,

yening ring *Merdeka Belajar* sisia prasida ngamargiang peplajahan sane kasenengin taler kadasarin antuk sapunapi *karakter* sisia lan *gaya belajar*. Punika sane patut kauraktiang olih guru ritatkala ngicenin peplajahan ring kelas mangda piranti sane kasayagayang punika becik lan mawiguna majeng ring sisia.

Kewagedan guru patut katincapang indik nyayagayang piranti sane *inovatif, kreatif* lan *bervariasi*. Akeh piranti-piranti sane prasida kaanggen ring peplajahan sane kabaosan antuk *teknologi* minakadi *Web, Aplikasi, Program Komputer*, mangda peplajahan sane kaicen majeng ring sisia prasida kamargiang nenten kawentenan galah lan genah, miwah prasida mulat kayun sisia malajah. Lianan punika guru patut nguraktiang palemahan sisia, kasenangan sisia mangda peplajahan punika anut.

Pikobet sekadi punika patut katatasin olih guna-guna sane jagi ngamargiang *merdeka belajar* utamannyane *guna* basa Bali, santukan peplajahan basa Bali dahat meweh keresepang olih sisia. Antuk kawentenan punika karasayang olih Bapak I Wayan Wisnawan silih sinunggil guru basa Bali ring kelas XI SMA Negeri 1 Kuta Utara, Kabupaten Badung saking pikolih sadu wicara panilik majeng ring Bapak Wisnawan. Pikobet sane sampun kapolihang ngenenin indik pamlajahan basa Bali majeng ring guru puniki sekadi, pamlajahan sane durung *inovatif, kreatif* miwah *bervariasi* sane kalaksanayang ring kelas, punika sane ngeranayang guru yening ngamargiang pamlajahan durung prasida nganggen *media* sekadi mapalalian (*game*) nganggen *media-media teknologi*, sane punika durung kamargiang olih guru ring SMA Negeri 1 Kuta Utara, Kabupaten Badung. Pikobet sane kapolihang majeng ring sisia Kelas XI SMA Negeri 1 Kuta Utara, Guru wantah ngicen *teori-teori* sane kasobiahang wantah nganggen *media ceramah*, utawi *buku* ring arep

kelas, punika sane ngranayang sisia nenten *aktif* lan ical meed (*bosan*) ritatkala melajah. Manut sane kapolihang ring *KD (Kompetensi Dasar)* mangda prasida minehin lan ngalaksanayang paribasa Bali (peparikan, bladbadan lan cecimpedan) ring *wacana* utawi *komunikasi*.

Sisia prasida ngawigunayang indik kawentenan paribasa Bali lan sapunapi ngawigunayang, nenten wantah ngapalang soroh-soroh paribasa Bali. Yening kacingak saking peplajahan paribasa Bali sane sampun mamargi guru kantun ngicen *penilaian* ring *teori* kemanten, puniki sane patut ketelebin olih guru mangda tetujon peplajahan punika prasida mawiguna majeng ring sisia ri kala sisia wenten ring krama desa (*masyarakat*). Guru nguningayang piranti pamlajahan *Web Educandy* prasida ngewantu sisia ritatkala ngamargiang nganggen *media* pamlajahan mangda sisia liang utawi seneng lan napi sane kapolihang prasida nincap ring kresepan peplajahan paribasa Bali. Yening punika sampun wenten serana *inovatif* pamlajahan pastika pacang mawiguna rikala ngamargiang pamlajahan ring kelas. Taler punika sane prasida ngewantu guru rikala ngamargiang pamlajahan, tiossan malih prasida ngawinang sisia pacang gelis ngresepang *materi* sane kaicen olih guru. Punika sane ngamolihang *hasil* sane becik antuk sisia ring tetujon melajah. Tetilikan puniki jagi pacang ngawigunayang serana pamlajahan sane *berbasis Web Educandy*.

Ngenenin indik *Aplikasi Web Educandy* punika silih tunggilnyane nganutin dasanyane antuk *Web* sane prasida kaanggen makarya *kuis* ring pamlajahan. Punika ring *Web* sampun kadagingin antuk *game* pamlajahan. *Web* sane katuju puniki sampun prasida kawigunayang ring pamlajahan sane nganggen *online* miwah nganggen *teknologi*. Ring *Web* puniki sampun anut kaanggen serana pamlajahan

ring pamlajahan *online* utawi *langsung* olih sisia sekadi *HP*. *Gambaran (tampilan)* ring *Web Educandy* sane sampun sinah sekancan kewentenan *desain* sane makeh *warna* tur punika kasinah naut pikayunan nyiriang rasa sane seneng, mangda ring kawentenan *Web* puniki para sisia sane seneng ngawigunayang *situs-situs online* sane sampun wenten sekadi mangkin ring *zaman globalisasi*.

Tetilikan sane nganggen *media Educandy* puniki sampun naenin kamargiang olih Ida Ayu Putu Intan Wahyuni (2022) sane murdannyanane “Nincapang Kewagedan Basita Paribasa antuk *Aplikasi Educandy* ring sisia Kelas X Akutansi 2 SMK Negeri 1 Sawan”. Yening tetilikan punika ngawigunayang serana marupa *Aplikasi Educandy* ring tetilikan sane kapolihang inggih punika prasida nincapang kewagedan Basita Paribasa ring sisia. Pikolih punika sampun mamargi anut lan becik. Sane sampun kamargiang tetilikan olih sujana ring ajeng, punika prasida kacutetang serana pamlajah prasida nincapang kewagedan para sisia riantukan malajah paribasa Bali nganggen serana *Web Educandy* ritatkala ring kelas ngamargiang pamlajahan.

Ngenenin tetilikan sane pacang kamargiang olih panilik wenten pabinayannyane wenten magenah ring *medianyane* minakadi tetilikan saking sujana Ida Ayu Putu Intan Wahyuni (2022) nganggen *aplikasi* sane pacang ka *install*, yening *Web* yening *Web* puniki ring *akses* pastikan pacang gelis sisia nenten malih *mendownload aplikasi* yening nganggen *Web* punika sane pabinayannyane. Punika sane ngawinang titiang dados panilik nganggen *Web Educandy*. Makrana wenten *dasar* ring dadalan pikobet sadurungnyane, antuk ngalaksanayang tetilikan puniki sane mamurda “*Sarana Web Educandy* Kaanggen Nincapang Kewagedan Paribasa Bali Ring Sisia Kelas XI IPS 5 SMA Negeri 1 Kuta Utara”.

1.2 Ngrereh Pikobet

Tetilikan puniki sampun katlatarang ring dadalan pikobet sane wenten ring ajeng, panilik sampun ngrereh indik pikobet sajeroning serana *Web Educandy* Kaanggen Nincapang Kewagedan Paribasa Bali. Pikobet sane kapolihang sekadi:

1) Para sisia santukan kari meweh riantukan malajah lan ngemolihang kaweruhan ring paribasa Bali, santukan sisia ring SMA Negeri 1 Kuta Utara akeh sisia sane durung uning napa-napa manten sane rumasuk paribasa Bali punika sane jagi kaambil ring kelas XI IPS 5 SMA Negeri 1 Kuta Utara. 2) Ring guru punika serana sane kaanggen durung *inovatif, kreatif*, miwah *bervariasi* punika sane ngawinang yening guru ngamargiang pamajahan guru wantah ngamargiang *materi manual*, guru wantah nyurat ring *papan* arep kelas lan nyobiahang akidik manten, selanturnyane guru ngamargiang *latihan soal* sane durung kabaos *inovatif*. ring ngamargiang paribasa Bali sumangdane guru mangda molihang sisia antuk kawentenan sane *bervariasi*, 3) Ring *proses* sisia melajah kari nganggen *metode konvensional, metode* puniki sekadi guru wantah nyobihang ring arep kelas manten, punika sane ngawinang para sisia gelis wadih utawi meed (*bosan*) lan sisia kirang *semangat* sareng *materi* sane katlatarang olih guru, punika wantah ngawinang ring kelas sisia kirang *aktif* malajah.

1.3 Ngwatesin Pikobet

Polah-palih ritatkala ngamargiang tetilikan puniki, majeng ring panilik pacang nureksain lan pacang ngewatesin pikobet-pikobet sane sampun kapolihang inggihan punika ngamargiang serana *Web Educandy* Kaanggen Nincapang

Kewagedan Paribasa Bali Ring Sisia Kelas XI IPS 5 SMA Negeri 1 Kuta Utara. Indik pikobet sane kewatesin punika sampun wenten parindikannyane, pikobet sane pacang kewatesin panilik inggih punika soroh-soroh paribasa Bali sane kaanggen wenten tigang soroh minakadi: peparikan, bladbadan, cecimpedan punika sane pacang kagentosin antuk ngawigunayang serana *Web Educandy*.

1.4 Bantang Pikobet

Ngewatesin pikobet sane ring ajeng sampun katlatarang manut saking pikolih bantang pikobet ring tetilikan sekadi:

1. Sapunapi Kewagedan *Web Educandy* Kaanggen Nincapang Kewagedan Paribasa Bali Ring Sisia Kelas XI IPS 5 SMA Negeri 1 Kuta Utara?
2. Sapunapi Polah-Palih Peplajahan *Web Educandy* Prasida Kaanggen Nincapang Kewagedan Paribasa Bali Ring Sisia Kelas XI IPS 5 SMA Negeri 1 Kuta Utara ring peplajahan paribasa Bali?
3. Mangda Uning Punapi Penampen Para Sisia Rikala *Web Educandy* Kaanggen Nincapang Kewagedan Paribasa Bali Ring Kelas XI IPS 5 SMA Negeri 1 Kuta Utara?

1.5 Tetujon Tetilikan

Sekadi manut bantang pikobet ring ajeng, kapolihang tetujon tetilikan minakadi:

1. Mangda Uning Pidabdab Ngawigunayang Serana *Web Educandy* Ring Pamplajahan Paribasa Bali Ring Sisia Kelas XI IPS 5 SMA Negeri 1 Kuta Utara.

2. Mangda Uning Ring Pikolih Serana *Web Educandy* Rikala Kaanggen Nincapang Kewagedan Paribasa Bali Ring Sisia Kelas XI IPS 5 SMA Negeri 1 Kuta Utara.
3. Mangda Uning Indik Penampen Ring Para Sisia Kelas XI IPS 5 SMA Negeri 1 Kuta Utara Kawigunan Serana *Web Educandy* Ritatkala Kaanggeng Ring Peplajahan Paribasa Bali.

1.6 Kawigunan Tetilikan

Manut sekadi tetujon tetilikan ring ajeng manut kawentenan tetilikan punika kakepah dados kalih minakadi:

a. Kawigunan Pamucuk (*Teoritis*)

Kawentenan pikolih tetilikan asapuniki mangda prasida mawiguna ring paajah-ajahan ring basa Bali, paribasa Bali lan ring nganggen sarana *Web Educandy*.

b. Kawigunan Pangalimbak (*Praktis*)

Kawigunan panglimbak sane prasida pacang kapolihang panilik inggih punika minakadi:

a. Majeng ring Sisia

Tetilikan puniki mangda prasida ngewantu para sisia ring malajah basa Bali ngenenin indik nganggen serana *Web Educandy* antuk nincapang kewagedan paribasa Bali.

b. Majeng ring Guru Basa Bali

Tetilikan puniki mangda prasida ngicenin pangweruh majeng ring guru basa Bali, taler tetimbangan sajeroning ngawigunayang pamajahan sane *inovatif, kreatif lan bervariasi* antuk ngawigunayang *media Web Educandy*. Selanturnyane wenten kawigunan tetilikan majeng ring guru basa Bali inggih punika mangda prasida uning indik kewagedan para sisia miwah pikobet-pikobet ring sisia sajeroning pacang malajahin indik *materi paribasa Bali*.

c. Majeng ring Panilik

Tetilikan puniki mangda prasida pacang kaaptiang pamajahan *berbasis teknologi* dados *dasar* ritatkala ngawigunayang serana *Web Educandy* ring pamajahan paribasa Bali.

d. Majeng ring Panilik Lianan

Ngenenin tetilikan puniki mangda prasida kedadosang *referensi*, utawi bantang manah majeng ring panilik sane lianan ritatkala ngalaksanayang tetilikan puniki antuk ngawigunayang serana *Web Educandy* ring peplajahan.

